

武林掌故叢編

仁和縣志卷五

湖廣江陵縣知縣致仕仁和沈朝宣纂著

學校

本學沿革

學在宋時附臨安府學紹興三年令孫廷直建廟於觀橋西北縣治之東嘉定五年令姚師虎建學廟左八年令趙希言創齋四曰教文教行教忠教信嘉熙四年尹趙與歡遷縣之簿廨以其址充廣學基淳祐九年令李從重建元仍之至元中教諭余志賢改作至正中民火延燎

皇明洪武三年令徐珪復建乃闢射圃置觀德亭十一年教諭沈尊訓導卜埜瞿佑病其卑隘知宋太學在前洋街者入元改爲西湖書院元亡書院亦廢而廟學尙存尊等言于大府改建仁和縣學天順三年巡按官謂其逼近憲司不便肄業奏拆廟學舊材徙置湧金門南今府學西實舊貢院基址也學在前洋街時改彝倫堂爲明倫堂齋減四爲二卧碑一座在堂之東堂之後舊爲重屋卽宋太學之尊經閣今廢饌堂三間庖福俱在學之西庖廩在學之東亦仍書院之舊生員號房在學之西

偏架閣庫在學之東學既徙今處凡此俱變易不同矣

廟

廟居學之前大成殿五間東西兩廡各十五間戟門三重靈星門三閒欽奉

今上頒降敬一箴御註五箴皆刻石立碑蓋亭以藏之列于戟門外東西凡遇春秋丁祭雖附府學隨班行禮然祭畢時本縣復以少牢禮祀之獨朔望行香悉附府學廟宇年深材朽日就傾圯勢不可支嘉靖二十四年學諭陳君助仰宇盡心履庭興

感甚非所以安神靈而展恭敬也乃謀諸司訓芮
君璽凌君炯率諸士子往陳郡守嚴公寬爲建合
于上司咸曰傾圯若茲宜改作之爰委邑令程君
良出公帑財命工鳩材弗越歲落成煥然改觀矣
前監察御史錢塘南衡童漢臣撰重建孔子廟碑
啟聖祠

啟聖祠因學無空地羣議將訓導居室遷于號房
西北乃用其基地建祠不得已也祠堂屋三間東
西廡屋各二間外牆一帶門樓一座

學

學居廟之後明倫堂五間中三間爲正堂東一間
爲祭器庫西一間爲祭閣庫堂之東北卧碑一座
堂之西北舊科目題名碑一座堂之西乃魏尚書
驥撰遷廟學碑記夏大理卿時正撰重修儒學碑
記一座粘御史燦撰重修儒學明倫堂記碑一座
張進士洽撰重建科目題名碑記一座其記文具
載于下堂之東南隅爲正心齋堂之西南隅爲誠
意齋各五間堂之東北角爲土神祠并學倉外爲
門房三間去門六十步立石坊一座上書仁和
儒學門之西去不百步亦立側門房三間其碑額

亦言如前

魏驥遷廟學記

巡按浙江監察御史古澹閣熊

司西連其司之罔固嘆曰此豈可爲崇清廟
肅絃誦之所乎乃謀之浙江左布政使梁葵
按察使曾蒙簡等咸以爲然於是相地得舊
貢院之址高亢爲宜言于朝乃擇日始事
委布政司檢校駱義監督杭州知府胡濬往
來經營之其材則本諸舊而易以新者半禮
殿五間兩廡三十間前慈戟門外列靈星明
倫堂五間兩齋一十間下至倉庫庖廡之類
凡學所宜有者無不備且費出於公而財不
傷工出於儲而民不擾化卑隘爲弘敞肇工
於天順三年之六月訖工於是年之十月既
落成教諭異請不可無迹以示來者請記
於予夫學校實風化賢才之始繫故厯代重
之至我朝廷崇重之意視前代有加誠千
載一時也然學旣新矣爲士子者處之閱耀
之地不可徒資之以爲觀美亦當一審其志

夫凡近進高明母專事虛文以圖利祿而亡厥重要一以古之名臣賢相自期應時需展所蘊上不負朝廷崇重之意下

夏時

正改建學廟記

仁和县儒學舊在郡城觀

西湖書院爲之者在郡城紀家橋東天順三年徒湧金門南舊貢院址不禁風雨且將與學壹皆上漏下穿不爲謀乃言之按察司莫撐支師生皇皇無以爲謀乃言之按察司言之布政司言之巡按御史而皆遵之遂以劄府同知李景區畫衆材材帖下冠帶義官吳諫董視羣役無何衆材山峙羣役雲興肇事于成化辛丑四月十有三日巧者獻能力者獻勤撤其腐敗易以堅良撻其德漫煥以丹碧補乎故所關軼創乎新所加增訖工于明年壬寅正月十五日師生謂宜文記其成屬之時正辭不獲乃爲言曰洪惟我朝法古爲治文命敷于四海學校徧滿天下一朝內外臣僚仰承德意急先務而莫之敢後誠以

天下之大需賢材以共理也賢才之生必學
校以養成之也仁和密邇三司首善之地其
尤在所宜先者乎夫惟古學校之養賢材也
有道而賢材之爲學也亦必以道其道何如
若大學所謂格致誠正修齊治平是也而其
要則莫先于正心也其工夫準的莫急于明
義利之辯也是故師之所以爲教壹是皆以
義而非義不敢以之爲教也弟子之所以爲
學壹是皆以義而非義不敢以之爲學也夫
如是則心無不正身無不修由是推而達之
上以奉乎其君行其義也夙興夜寐以事一
人其有不幸則臨大節不可奪也下以臨乎
民務民之義若保赤子心誠求之務有以得
其心也言惟君子喻于義也雞鳴而起孳孳
乎以求夫義所當爲急于義也雞鳴而起孳
由是功高而名流業廣而祿享雖不求利而
利自無不至也小人喻于利也雞鳴而起孳
孳乎以屬乎谿壑之無厭未得患得既得患
失日不暇給也由是聲稱日以囂節義之俱
喪甚者立身一敗萬事瓦裂則亦何益之有

哉然而父兄其猶以是而願望之朋友其猶以是而染習之爲之師者其猶以是而誘導之吾末如之何也已矣子謂子夏曰汝爲君子儒無爲小人儒他日又曰古之學者爲己今之學者爲人爲人者小人儒乎爲己者君子儒乎差毫釐而繆千里故術不可不慎也若夫靈几秩秩廟貌巍巍仰而瞻俯而思洋洋乎如在其上如在其左右也五經四書日星朗曜聖謨洋洋嘉言孔彰時聖賢儼乎其接德容也藹乎其聆響欬也其于潛孚默契蓋有不言而喻者矣何幸遭逢盛際陶鎔沐浴之深期爲君子儒上無負于聖天子下無負于所學也歟其爲小人儒也則亦存乎其人焉耳時正老矣猶願與諸士子交相勸也于是爲記

粘燦明倫堂題名記

正德己卯春掌銓者以于

有故習未除趨嚮弗類者予則日與講疑義厲修檢嚴日課不數月而環立几下者其拜

俯步趨動定語默新故漸不相襲說者謂仁
和士習維新矣士習雖新而庠舍之居是士
者其蠹敝猶夫故也日講習坐其下者恆慄
慄然忽夏至日撤講未移刻而棟宇覆壓器
用敝盡予與諸生輩偶幸而免也豈造物者
亮其志憫其愚欲新其規以逢其會乎于時
邑令匪人杭守畱志淑氏急起而營之更其
宋之蠹者榱桷之剝削者與夫綽楔柱櫨之
缺折敲腐弗材者工勤力疾越月而輪奐一
新焉予時搏髀拊案歎曰士旣新而居是士
者亦新宇宙間物理氣數之相植固如此哉
然輪奐茲新要亦草創規畫耳若夫齋廊檻
壁殿廡簷楹與凡藻繪粉飾之工猶有未能
悉備者未幾畱且去且復再至至未幾復膺
擢嗣畱者蒞政概無何且亦未遑也而邑令
匪人視昔益加甚成畱志以完所規畫伊誰
歟新塗廖瑜氏蓋承于令者獨有志于是瑜
志雖勤而分量則有限幸而吾輩司風紀者
尙有人能去其甚者且嘉其賢者時以瑜署
令事瑜惟是得加補治修葺旣而得新令李

義壯氏而規制始復完焉瑜以子悉而事謀
司訓車君鼎遺幣索子記之子謂庠舍居是
士者其規模既新復補其所未完則所居爲
完居而士習既新復勉其所未盡則其土亦
爲完人子與諸生向雖樂相與以有成顧未
能是而子未必盡可師生輩亦必有所未盡
其未能者時能以完人自期待則人將目仁
和有完居且孳孳勉爲完人是又物理氣
數之復有相值者正予之願有聞者也故
記之專有望夫物理氣數之復相值也已

職制

教諭一員 訓導一員 廩膳生員二十名

增廣生員二十名 附學生員不限數 司吏一

名 齋夫六名 膳夫八名 庫子二名 斗級

三名 門子六名 啓聖祠門子一名 俸糧教

諭每月三石 訓導每月三石 廩膳每月一石

解宇

教諭解舍在明倫堂後廳房三間西厦一間爲司
吏書辦之所東西廂房各二間後內室三間以備
燕居寢食前廳之西築圃扁曰藏春圃稍北構亭
扁曰琢玉亭亭之前鑿池扁曰教思池皆教諭李
璧爲之正心齋訓導解舍在號房西北門樓一座
廳房三間後房三間披房三間誠齋齋解舍門樓
一座廳房三間後房三間

教職題名

沈尊

洪武十一年在任是年與訓導卜埜瞿信以學在觀橋卑隘請遷于元西湖書院

賴天貴

福建清流人永樂十五年任

林賢

宣德二年任

烏祥

常州武進縣人正統二年在任

聶大年

江西臨川人景泰元年任在任後薦入翰林修史

畢昇

直隸鎮江府丹徒人天順三年在任時學遷湧金門南昇請爲記升廣西教授

劉煥

河南洧州人由舉人成化三年在任

胡贊

湖廣武陵人由舉人成化八年到任歷年致仕

林邦輝

福建莆田人由舉人成化十五年到任歷年陞清遠縣知縣

張厥中

四川眉州人由舉人成化二十三年到任歷八年陞紹興府教授

李恭

福建莆田人由舉人弘治九年到任歷四年

弘

王翰

應天府江甯人由舉人弘治十三年到任歷五年陞紹興府通判

人弘治十三

李璧

字曰夫廣西武緣人由舉人正德元年到任歷七年陞四川保甯府

人由舉人正德

李章

字德憲廣東順德縣人由舉人正德九年到任

人

粘燦

字中美福建晉江縣人正德十三年到任歷年陞南京山西道御史以考察罷回

人正德十三年到任

葉相

廣東瓊山縣人由舉人嘉靖三年到任歷四年陞金華府義烏縣知縣

人嘉靖三年到

黃城

福建福甯州福安縣人由監生嘉靖八年到任

人

汪天錫

直隸徽州府婺源縣人由舉人嘉靖十二年到任

人出

宋任

廣西桂林府桂林縣人嘉靖十五年到任陞寶應縣知縣

人嘉靖

陳敘

直隸鳳陽府壽州人由監生嘉靖十六年到任陞金華府敘授

梁

木

廣東廣州府新會縣人出選貢嘉靖二十三年到任

陳

助

字相天直隸淮安府安東縣人由選貢除府學訓導嘉靖二十四年正月陞本縣教諭到任

以上教諭

卜

埜

杭州府錢塘縣人洪武十一年在任陞周府長史

瞿

佑

杭州府錢塘縣人洪武十一年在任陞周府長史

劉

敷

宣德二年任

潘

楷

紹興府餘姚縣人由薦舉宣德二年任陞周府長史

聶大年

江西臨川縣人由明經薦舉正統年任陞本學教諭

羅恭

江西正統年任人

儲燦

常州府宜興縣人景泰元年
至七年在任陞黃州教授

陳旦

常州府江陰縣人景泰七年
至天順三年在任陞武清縣教諭

黎奎

字大度
天順初年在任

紀濬之

池州府貴池縣人
成化四年在任

吳貞

淮安府山陽縣人
成化六年在任

蔣琮

淮安府山陽縣人由舉人
成化八年至十四年在任

葉拯

福建閩縣人由舉人成化
十五年至十八年在任

吳學儉

江西餘干縣人由舉人成
化十四年至十七年在任

蔣茂

廣西興安縣人由舉人成化十
七年至十九年陞興府紀善

吳省

福建建陽縣人由舉人成化二十
三年到任歷九年陞海陽縣教諭